



Na osnovu člana 22 Statuta Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 2/10 - prečišćeni tekst), Skupština Brčko distrikta Bosne i Hercegovine, na 59. redovnoj sjednici, održanoj 12. juna 2024. godine, usvaja

ZAKON
O IZMJENAMA ZAKONA O PLATAMA I DRUGIM NAKNADAMA
PRAVOBRANIIOCA I ZAMJENIKA PRAVOBRANIIOCA U PRAVOBRANILAŠTVU
BRČKO DISTRIKTA BOSNE I HERCEGOVINE

Član 1

U Zakonu o platama i drugim naknadama pravobranioca i zamjenika pravobranioca u Pravobranilaštvu Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 8/24-prečišćeni tekst), član 1 mijenja se i glasi:

„Član 1
(Predmet)

- (1) Ovim zakonom regulišu se plate, naknade i određena prava pravobranioca i zamjenika pravobranioca u Pravobranilaštvu Brčko distrikta Bosne i Hercegovine.
- (2) Plata pravobranioca i zamjenika pravobranioca se sastoji od osnovne plate ili naknade plate i uvećanja plate po osnovu dodatka na platu.
- (3) Pravobraniocu i zamjeniku pravobranioca se utvrđuje osnovna plata na mjesečnom nivou.
- (4) Osnovna plata utvrđuje se množenjem osnovice za obračun plate i pripadajućeg koeficijenta.
- (5) Bruto plata je plata iz stava 2 ovog člana uvećana za obavezne doprinose.
- (6) U svim elementima koji čine platu iz stava 2 ovog člana sadržan je porez na dohodak.

Član 2

Član 2 mijenja se i glasi:

„Član 2
(Plata)

- (1) Pravobranilac ima pravo na mjesečnu osnovnu platu, koja se utvrđuje množenjem osnovice za obračun plate utvrđene Zakonom o platama i naknadama zaposlenih u pravosuđu Brčko distrikta Bosne i Hercegovine i koeficijenta 5,658443.
- (2) Zamjenik pravobranioca ima pravo na mjesečnu osnovnu platu, koja se utvrđuje množenjem osnovice za obračun plate, utvrđene Zakonom o platama i naknadama zaposlenih u pravosuđu Brčko distrikta Bosne i Hercegovine i koeficijenta 5,395528.“

Član 3

Član 4 Zakona se briše.

Član 4

Ovaj Zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-74/24

Brčko, 12. 6. 2024. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić